



Sámi allaskuvla

Sámi University of Applied Sciences

OAHPPOPLÁNA

**ÁRBEVIROLAŠ DUOJI BAJÁSDOALLAN
JA EALÁSKAHTTIN**

15 oahppočuoggá

1. OAHPPOOVTTADAGA NAMMA

Sámegiella: Árbevirolaš duoji bajásdoallan ja ealáskahttin

Dárogiella: Tradisjonell duodji og dens kontinuitet og revitalisering

Eanjalasgiella: Traditional Duodji, Continuity and Revitalization

2. OPPALAŠ DIEĐUT OAHPU BIRRA

Oahppokoda: DUO-1004

Dássi: Bachelor, vuodđooahppu

Viidodat: 15 oahppočuoggá

Galli lohkanbaji badjel: 1

Oahpu lágideapmi: Neahttadoarjjaoahpahus: Oahpus leat sihke fysalaš deaivvadeamit Sámi allaskuvllas ja neahttaoahpahus. Logaldallamiidda lea vejolaš oassálastit neahta bokte, muhto hárjehusat ja bargobájit gáibidit fysalaš searvama.

Fágalaš latnjalasvuohta: Oahppu vástida DUO 104 Árbevirolaš duoji bajásdoallan ja ealáskahttin (15 oč) ja DUO 122 Aerpievuekien væt nam vaarjelidh jih jealajehtedh studijesoekjesje (15 oč) oahpuid.

3. OAHPPOPROGRÁMMA GULLEVAŠVUOHTA

Oahppu lea geatnegahtton duodjefágalaš vuodđooahppu Duoji ja hábmema bachelorprográmmas. Dat sáhtá leat maiddá doarjjafágan dahje välljenfágan eará bachelorprográmmain dahje eará oahpuin.

4. SISABEASSANGÁIBÁDUSAT

- Dábalaš sisabeassangáibádusat alitoahpahussii. Sisabeassanvuodđu sáhtá leat juogo oppalaš lohangelbbolašvuohta (čadahan joatkkaskuvlla/logahaga/gymnása) dahje reálagelbbolašvuohta. Oppalaš lohangelbbolašvuođa gáibádusat olgoriikkaohcciide bohtet ovdan NOKUTa GSU-listtus. Go oahppu lágiduvvo sámegillii, de olgoriikkaohcciide ii gusto dárogielagáibádus, vrd. Forskrift om opptak til høgare utdanning § 2-2 (6).
- Sámegielmáhttu.
- Duodje-, dáidda- dahje hábmengelbbolašvuohta

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáigásaš giellan

(moderna språk 200-300 čuoggá) dahje vástideaddji sámegielloahppu doaibmi njuolggadusaid mielde. Sámeziela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida.

Duodje-, dáidda- dahje hábmengelbbolašvuoda gáibádusa sáhtta duođaštit čuovvovaš vugiid mielde: Norgga joatkkaskuvllas čađahan duodje-, dáidda- dahje hábmenoahpu, Suomas duodje-, dáidda- dahje hábmensuorggi artesánaoahpu, Ruota gymnásas čađahan estehtalaš- dahje sámeprográmma. Duodje-, dáidda- dahje hábmengelbbolašvuoda sáhtta maiddái deavdit jus lea maŋŋel joatkkaskuvlla čađahan unnimusat jagi duodje-, dáidda- dahje hábmensuorggi oahpu ámmátskuvllas dahje fágaskuvllas, dahje universitehta- ja allaskuvladásis čađahan unnimusat 15 oahppočuoggá duodje-, dáidda- dahje hábmensuorggi oahpu.

Jus ohccis ii leat formála gelbbolašvuodta fágasuorggis, de sáhtta ohcci maiddái duođaštit duodje-, dáidda- dahje hábmenfágalaš gelbbolašvuoda iežas bargguid bokte. Dasto galgá juogo sáddet sisa ja oažžut dohkkehuvvot:

- Govaid unnimusat viđa duojis, dahje
- 2-3 duodje-, hábmen dahje dáiddalaš proševttain, mat čujuhit kreatiivvalaš proseassaide, ovdamearkka dihtii portfolio

Dárbbu mielde ovddiduvvo gelbbolašvuoda meroštallan fágalaš árvvoštallamii ja meannuduvvo dán vuodul. Sáhtta nai čađahuvvot ságastallan duodjegelbbolašvuoda árvvoštallama doarjjan.

5. OAHPAHUSGIELLA

Váldo oahpahusgiella lea davvisámegiella. Jus oassi logaldallamiin lea eará sámegielaide, dáro- dahje ruoŋtagillii, de dat dulkojuvvo dárbbu mielde. Jus logaldallamat leat eanŋgalasgillii, dat eai dulkojuvvo. Eará sámegiela studeanttaide geahččalit láchit dili nu ahte sii sáhttet čállit bargguid ja oažžut oasi bagadallamis iežaset sámegillii.

6. SISDOALLU

Oahpus vuojudivvat dasa, mo plánet, duddjot ja gaskkustit duoji. Oahppu fállá praktihkalaš ja teorehtalaš dieđu, mainna studeanta čieknuda ja viiddida iežas duodječehppodaga ja áddejumi. Oahpus ávkkástallat čuolmmaidčoavdinmetodaiguin, mat fáallet studentii reaidduid plánemii, hábmemii ja duddjomii. Oahpahus čieknuda duodjeárbevrrui ja dan bajásdoallamii ja ealáskahttimii. Studeanta sáhtta iežas beroštumi mielde válljet dipma- dahje garraduoji suorggi.

7. OAHPPANJOKSOSAT

Manjel čadahuvvon oahpu lea studeanta olahan čuovvovaš oahppanjoksosiid:

Diehtu:

Studeanta

- dovdá relevánta fágalaš čuolmmaid
- Diehtá movt háhkat dieđu árbevirolaš dujiin
- dovdá duoji mearkašumi kultuvrralaš suvdilisvuodas
- Dovdá duodjái guoski árbevirolaš dieđu
- Diehtá movt vurkkodit ja sealluhit dujiid

Máhttu:

Studeanta

- máhtta árvvoštallat ja ákkastallat bargovugiid ja ávnnasválljemiid
- máhtta čoavdit čuolmmaid ja buvttadit evttohusaid plánedettiin
- máhtta duddjot árbevirolaš dujiid
- máhtta ovdanbuktit iežas duodjeahtanuššama dujiid ja portofolio dahje eará gaskkustanvuogi bokte
- máhtta geavahit digitála ovdanbuktin reaidduid oassin iežas ovdanbuktimis

Oppalaš gelbbolašvuohta:

Studeanta

- máhtta plánet ja čadahit bargguid ja prošeavttaid
- máhtta ságastallat fágabirrasis, ja nu leat mielde ovddideamen buriid fágalaš čovdosiid
- máhtta gaskkustit fágalaš čuolmmaid ja bohtosiid sihke čálalaččat, njálmmálaččat ja eará relevánta ovdanbuktinvuogiiguin
- máhtta ságastallat teorehtalaččat gažaldagain, mat gusket duodjeárbevieruid bajásdoallama ja ealáskahttima

8. OAHPAHAN- JA OAHPPANVUOGIT

Bargobájit, logaldallamat, lohkanmeari lohkan, hárjehusat ja bagadallamat.

9. GÁIBÁDUSAT BEASSAT EKSÁMENII

Ovdal beassá eksámenii, galgá studeanta:

- Oassálastit unnimusat 75 % lágiduvvon oahpahasas
- Dahkat guokte duoji ja portfolio mas leat čuovvovaš barggut:
 1. Čilgehus vuosttaš duoji dieđuid háhkamis, plánemis ja bargoproseassas.

2. Čilgehus nubbi duoji dieđuid háhkamis, plánemis ja bargoproseassas.

Fágaoahpaheaddji dohkkeha gáibádusaid beassat eksámenii.

10. EKSÁMEN

Portfolioeksámen mas leat geatnegahtton barggut oassin. Dasa lassin galgá portfolioi čállit teorehtalaš refleksuvdnačálloša iežas ovdáneamis oahppanjoksosiid ektui. Eksámen árvvoštallojuvvo oktan bargun.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeanttat devdet árvvoštallanskovi oahpu loahpadettiin. Oahppu árvvoštallojuvvo evaluerenčoahkkimis. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.